

卷之三

明三元太傅商文毅公年譜卷之四



元孫振倫編 來孫之彝 之旬校

分紀

憲宗純皇帝成化十九年癸卯二月二十五日公壽七十

初度三司郡邑族黨姻友契舊慶賀者甚衆

○慶少保商先生七十壽序

皇明天下百十年餘於茲矣士以明經登庸三試第一
若先生之外無人焉其以史局僚屬不三四年入
館閣位宰執者先生之外不數人焉出入

兩朝輔導

列聖以一身繫天下之休戚倚托方專而乞身甚勇若

先生之外又不數人焉有子焉以進士世其業以太史世其官有孫焉益啓其秀以振厥芳徜徉林下而忘情物外先生之外又幾何人哉昔王沂公呂許公相業成矣而歸休之樂未之有聞劉秘書張龍圖著社樂矣而當時事業未之有完梁莊肅洪忠宣父子同入翰林矣而其勲名與歸老之趣或視數公為少以予觀先生何所得之多也又於理勢而知先生之壽社日綿

國家優老之具日隆意者天子先生有所私也不然則先生積之厚故報之殷譬之海馬為體也大故所受者廣也譬之山馬為體也堅故所歷者遠也則夫天之私之者其亦自為也耶先生嚴人也予輩已極仰止于昔今又濫官其鄉則今日之事能自已于情乎同寅諸公謂予當言故論其大者以屬縣尹丁質純獻以為

先生壽

成化十九年春二月之吉浙江按察司副使奉

勅提學江西李遜學序

○按謝賀七十書稿云 舊交商輅再拜書奉

憲長 憲副 憲僉 列位大人 鈞座 區區蒙

恩歸老無補於時多荷 記存以賤誕特遣使賚

雄文餽禮物光賈山居以解意高古稱許過當登

受之際感愧交集自非篤念斯文之舊能如是乎

銘刻銘刻敬此伸謝餘不多及希 諒察幸幸

又 林下商輅再拜書復

憲副李夫人 行臺 側聞 考校之公去取之當

衆心悅服雖刑威盡弛而師生警勵有加

提學如此誠有益于人才有裨于風化方茲歆慕忽

承專使以禮物見貺 情意過厚感佩何量使回

特此申

謝餘不克悉惟

亮之亮之

三月 日得第三曾孫命名承翰

○按譜畧云承翰承芳俱良臣公孫汝暉公所生子
文毅公之曾孫也翰充邑庠生芳補郡庠生正德
四年己巳兄弟二人同入太學翰授中都留守司
經歷清白無愧家聲剛直不阿權貴芳授鴻臚寺
序班陞
內閣鳴贊

七月仲子良臣公奉

上命主考應天府鄉試隨具陳情疏乞

恩歸省

詔從之 賜寶鑑以行

○按陳情疏畧云翰林院侍講臣商良臣謹
奏為陳情乞

恩事臣以一介草茅叨居近侍虛糜廩祿茲者欽奉
聖旨著臣南都校文臣祗受

寵命實切戰兢深懼非才末學無以仰副
聖天子求賢之盛心然於去取之公則不敢不竭犬馬

之勞以圖報稱萬分之一臣父商輅先任太子少
保吏部尚書兼謹身殿大學士比因眼目昏花手
足顛掉願乞骸骨欽蒙

特陞少保准令致仕及
賜以璽書衣服等件榮幸無比緣臣定省久曠切思
南京去鄉不過千里之遠臣于科場事完之日伏

望

聖恩憐憫容令歸省即便依限前來供職庶得忠孝兩
盡不勝感戴之至謹具本親齎 奏聞伏候

勅旨欽奉

聖旨可仍

賜寶鑑若干緡為道里費

八月良臣公赴應天府主考鄉試人伏藻鑑之精

○按倪公岳誌云良臣公赴應天府主考鄉試尤以廉謹自持雖所當得供用器物亦辭不取其所選第一人又復魁天下士是以一時士夫既仰其不取之廉尤服其藻鑑之精焉

○按應天府鄉試錄序云

上天純佑我 國家茂生賢雋以隆億萬載太平之治

實由

列聖一德相孚與天胞合純一不已故有不貳心之臣奔走疏附樂為之用所謂心純則賢才輔是已然賢才之進類非一途而得人之純莫過于科目蓋由純以經術取士故也豈前代襍以他藝比哉乃成化癸卯秋適當大比

上以南畿根本重地賢才之多往往倍獲下國於三

特詔臣良臣臣昇往司文衡臣等受

命兢惕暨百執事莫不洵矢據忠殫誠以仰副

聖天子側席之盛心構棘三試之棟閱精嚴得其文之

純乎理者百三十五人遵 制額也錄成咸謂良

臣宜序臣惟

天生賢才以為世用何代無之特在乎人君用之有

道斯上下交而德業成若昔堯舜之純乎帝禹湯

文武之純乎王時則有若臯稷契稷契伊傅周召之

儔又皆佐理之純臣也而豈徒哉良由二帝三王

之心純乎道然後用人得其純用人得其純而

上天純佑之命有隆勿替書曰天其申命用休殆以此

燬下迨嬴秦固不足言若漢之雜霸唐之雜夷宋

之柔儒不濟正以其道之不純故用人有不能純

之所致耳尚冀望天之佑命之純哉洪惟我

朝以

聖繼聖純佑之命與治道之純亘古莫加實天監純一
之德以膺眷佑于無窮是以四方懷德之士咸有
帝臣之願其已用者莫不彬彬然布列庶政而為佐
理之純臣其或未用而有志于德行道藝者亦不
以遐取僻壤或殊知南畿為賢才淵藪披
列聖道德純一之化尤深者哉諸士子以純于德行道
藝舉於此然特發軔之地爾行將駸駸要途天下
之所屬目由此而奮迅焉則于臯夔稷契伊傅周
召敷烈之純孰謂不可致乎必思操履純正終始
一德以求終譽使當世仰之後世慕之而益推科
目為得人顧不偉歟苟徒藉是以梯顯榮而實德
則病則于科目有玷豈惟諸士之羞抑亦為主司
之羞可不懼哉
哉可不懼哉

九月良臣公便道歸省稱觴庭下鄉人愈為榮之且

携

朝中諸名公鉅卿才大夫士祝壽詩文自閣老以下咸

有之

○壽嚴陵先生七十歲詩序
嚴陵先生以少保吏部尚書兼

謹身殿大學士致政家居之七年也適歲在癸卯距
其始降之年蒼龍舍甲午天運歷五紀而過之又
將齊焉者也昔人謂稀有之年是已夫人徒有是
年而無德與位固已稀矣况又有德有位而得其
年其為稀也豈不尤稀乎哉先期冢嗣翰林侍

講良臣得

朝中祝壽詩若干首即萃成帖將寓歸至先生初度
之辰以為壽以濟老門生也特以序引見屬嗟乎

所以為先生壽者豈可苟同乎衆人乎哉夫衆人之所謂壽者以其身身止于百二十歲也先生之所謂壽者以其名名豈可以歲計哉蓋將期之以千萬世而無窮也雖然先生稟扶輿清淑之氣生

際文明極盛之時三光五嶽之氣完而所以培植保合

之者又益加厚葆之以太和休之以元陽茹之以菁華其氣清以淳其質厚以全身無恙而心無憂既以超下壽而駸駸夫中壽之域矣由是而抵夫百二十歲之上壽則固其所固有者也固無俟于

祝矣祝不祝于先生何加損若夫壽先生之令名于千萬世而無窮則固先生平日之所志所謂不在溫飽者之所充而至于極焉者也先生少有大志弱冠試秋闈即第一他日試春闈又第一進士

對大廷又第一所謂三元者

皇明百年以來僅于先生一見之甫入翰林即授于象人中而進於清嚴密勿之地預聞

朝廷大禮樂大政事大議論凡國家有大制作多出先生手自筮仕至于休致始終

禁門而名聞乎華夷功著于遠邇中間雖或暫為六月之息然所以培其負大風之力而為九萬里扶

搖之地也益大以遠故其再出也位極人臣治效可稱述而疵議不加焉矧又得以未耄之年而享其清閑之樂天錫之以全福人歸之以令名穆叔

所謂三不朽者先生皆兼而有之真足以傳之千萬世而無窮矣其為壽也蓋將與天壤相終始所謂百年之期順百二十歲之上壽惡足為先生道哉

成化龍集壬寅八月既望賜進士第嘉議大夫禮部右侍郎門生瓊山丘濬序

三 五 六 七 八 九 十 十一 十二 十三 十四 十五 十六 十七 十八 十九 二十

十一月良臣公主考南畿鄉試及歸省還

朝復

命

二十年甲辰公年七十一歲

為嚴民寬假夏稅秋糧兩徵

○按言行錄云夏稅秋糧二徵唐德宗朝劉晏創建後世因之成化甲辰春嚴陵蠶桑弗利而官府課絹甚急又秋熟未收而徵糧併至民情大有不堪者公各致書有司乞為寬假馬及西成畢百姓咸爭輸完納公私實為之兩利矣

送御史劉君還

朝

○按駉馬行春詩序
駉馬行春詩為御史劉君士元賦也士元癸卯春

奉

上命出巡兩浙編歷即邑問民疾苦會覽風俗劬好別

靈與利去害訟盈庭裁安如流舉措之公深歷輿論所至率再宿或三宿出境無駉馬行觀者塞途嘖嘖稱嘆言臺憲之良如此歲一按臨以惠吾民間閣之下豈復有冤抑弗伸窮厄弗振若乎兩浙士夫謝政家居者如鄒宗伯陸司寇項司馬夏大理輩因民之情取桓典乘駉故事謂侍御方春而來再春而代爰以駉馬行春命題各賦一詩屬予序諸君簡為侍御還



原件短缺

朝之贈不嘗承乏
內閣預開大政未始不以愛惜人才為首務今茲投
閑林下雖見賢而不能舉然側聞一才一藝即寔
然自喜稱嘆累日矧士元清才卓識予所稔聞其
能已于言乎或者曰昔人嘗以秋隼比御史矣今
云馳馬行春何耶夫隼主搏擊御史之職似之然
搏擊之中仁愛存焉彼馳馬經行之處惡者去而
善者立強者懼而弱者喜變頑梗之俗為柔良化
刻薄之風為醇厚使

聖澤不至于下墮而民情皆得以上通譬之陰涯寒谷

一陽氣之發舒復何秋隼之足擬乎且
國家設官分職皆以安養斯民顧三司勢位相等其

父也失于和同即懸遠
闕廷其終也安于懈惰而御史歲一更易所以警其

同而激其惰期于刑清政舉康濟吾民搏擊乃其
餘事耳士元世家山東之高唐早以明經舉進士

○按缺泉老友胡公拱辰行狀云成化乙巳秋
公以次拜禮部精膳司主事職掌

朝廷宴享之儀
分毫無失

二十二年丙午公年七十三歲

三月季子良輔公奉

欽差往南直隸等處催備牲口便道歸省

○按言行錄云良臣公良輔公二人同在京邸每念
不得奉養老父適承

命良輔公于南直隸等處催備牲口不勝慶幸遂戒
行事竣便道歸省時蓋春既盡夏正長兄弟

口無故而公亦尚無
恙良輔公心甚惻怡

五月初十日良臣公卒于京畿南黃里第

○按倪公岳墓誌云良臣公病未旬日醫方環視議所當下藥劑即卒不復起壽未逾五旬嗚呼良臣公性極孝友兼之廉慎長厚有猷有為與縉紳往還恂恂特獎遇父執必拱立以俟望郭門輒徒步以行嘗立我學以教族子弟久而不廢為講官能積款以爲感孚之本朝野方喁喁然望以遠大稱其有父風而天不假年先公而殞是天靳商氏之福也悲夫

上聞訃嘆曰可惜好官亦有恩典否司禮太監蕭敬谷以無例乃止倪公岳碑銘曰天畀國家篤生

碩輔左右

三朝德惠斯溥倚歟梅峯克起承之令聞令望顯顯于時相業敷遺以永以紹孰踣其馳其孰弗悼世澤云云子孫流流君亡不亡慰其大人

特贈弘治十二年己未正月二十四日以冢嗣汝

○謹按

制曰教子以忠必使之効勞于國勸臣以孝必為之

致寵于親業有能亢其宗恩則務從其厚爾翰林院侍講高良臣乃尚寶司卿汝謙之父家學傳芳甲科繼美列官史局克效編摩侍講經筵久勤啓沃衆方有公輔之望天不假壽考之期奄忽淪亡至今悼惜顧義方之訓素切于家庭致冢嗣之賢繼登于朝著宜申恩典以示褒崇茲特贈爾為奉政大夫尚寶司卿於戲光前之業雖未底于大成裕後之休尚益綿于有求昭哉神爽服此寵光

制曰母德之慈實兼乎教育國恩之錫無間于存亡肆緣報德之情誕示地封之命爾贈孺人蔣氏出自名門嬪于華族柔嘉有則敬慎無違蚤媿夫階已荷追崇之命茲緣子貴載申褒錫之恩是特加

贈為宜人冥冥有知歆承無斃
制曰繼母有教育之德不異劬勞朝廷有褒錫之恩
實均榮貴彝倫攸繫國典具存爾封孺人齊氏乃
尚寶司卿商汝謙之繼母相夫勤恪教子嚴明顧
茲濟用之才實爾育成之力慈齡既茂祿養方隆
載頒綸綍之恩用表閨門之懿茲特加封為太
人眷淑德之有徵
服榮光于未艾

六月公體不寧疾劇

七月十八日未時公卒于正寢

○按行狀言行錄云成化丙午六月公一旦疾作公
平昔起居最慎忽自前歲冬日漸瘦雖疾甚巾帽
不少廢未嘗一日少卧若與人言論從容如平時
至七月一日偶顧其子良輔公曰吾疾甚不復起

也良輔公曰大人壽且高遠何為此言公曰我
幸得汝歸送我有託蓋由我往昔未嘗敢有逆事
所致况我以一介書生官至極品年逾七十有子
有孫人生至此足矣且生於晝夜常理雖必何憾

惟朝廷莫大之恩未盡補報萬一為歉幸爾兄弟叨沐

祿位日近清光竭力勉圖報稱是即我之事君也
我可瞑目于地下更無一言及私時公病亟是以
良臣公訃音雖至不敢與聞故其言如此至十六
日乃曰我明日當不言屆期果然一晝夜鼻息如
雷次早方醒起坐談笑自若乃嘆曰吾鄉舉十年
始得登進士四年即蒙

召入閣後被誣歸閑十年及再起入閣又復十年乞

休致今致仕歸又已十年數盡于此矣因述正統
乙丑春在京會試所得謁王者之殿一夢良輔公
泣下請曰大人平生履歷使兒輩他日可得稱述

公曰我素不記行事之蹟汝必欲知當於姚文敏
彭文憲二公大畧求之可見又曰我必後喪葬一
本之文公家禮切勿用浮屠母違我言言訖而逝
時七月十八未時也先數月前去家里許水口立
有社廟在焉夜過之者分明聞廟中筭盤聲小商
仍幾石幾斗大商仍幾石幾斗及今相繼而卒人
咸異之可見二人者實山
川鬼神之所孚佑者乎

十月訃聞至京

上深加悼惜輟視朝一日復

諭廷臣曰朕素知商輅為人忠義可嘉朕特為此箇小
事乃開了他十年好官相應恩典悉與勿吝

誥贈特進光祿大夫太傅謚文毅

成化二十三年丁未四月

賜進爵贈謚誥命一道

○謹按

制曰自昔奇才碩儒得輔君行道以建功業于當時
則必有卹典殊恩以示褒嘉于後日此古今之通
誼有國者之所當重也故少保兼吏部尚書謹身
殿大學士商輅性資剛直操履端方三榜魁名四
海仰其文學

兩朝內閣庶政資以經綸雖暫罹變以韜光終見顯
忠而勵世謀猷入告裨益實多桑梓歸休寵光尤
厚方期享頤齡之福詎意為委化之遊慨念徃勞
可無褒異茲特贈特進光祿大夫太傅謚文毅於

戲傳臣朝之峻官非庸功不可輕畀文毅世之嘉
號必累善而後克當貴卿二者之榮流芳千載之
未嘗理不昧
休命是膺

五月六月

勅遣浙江等處承宣布政使司左參政吳繹思

諭祭者四

○謹按五月二十二日辛酉

御祭文詞

皇帝遣浙江等處承宣布政使司左參政吳繹思

賜祭于致仕少保兼吏部尚書謹身殿大學士商輅
曰卿以宏才卓識邃學清文蚤擅名于三元遂擢
官于翰苑薦居內閣參預政機雖以間而暫違卒

事久而自白肆朕繼統即加召用卿益殫志效
罔間夕昕演綸著黼黻之功輔治多弼亮之績
眷遇之方渥乃引年而乞休朕既勉從所請俾遂
榮歸期享安恬以躋上壽胡為嬰病遽焉長終計
音來聞良深悼惜爰念徃勞特頒卹典贈卿特進
光祿大夫太傅謚文毅仍命有司如制塋葬并
以祭靈爽不
昧尚敬承之

五月二十三日壬戌

御祭文曰惟卿素負才望為朕弼臣遽爾亡歿良一
悼傷首七菴臨特茲遣祭冥靈如在其歆朕意

五月二十四日癸亥

終七菴臨

六月十有六日甲申

寔窆菴臨

御祭文詞俱同首七

七月

勅工部進士林壙墓公于邑南黃壇嶺下樓上坂

○按言行錄云初公在內閣與萬文康公安不相協公致仕即委政于萬公萬公居首相故凡請謚蔭

廟聰察堊祭悉從令與其所錫予皆出望外云

○通議大夫太常寺卿兼侍讀學士錢塘王公獻狀行

奉訓大夫吏部驗封清吏司員外寧波楊公子器作

資善大夫太子少保兵部尚書兼翰林院學士泰和尹公直撰墓

誌銘
銘曰天佑

皇明川嶽鍾靈篤生魁傑為時偉人有偉文毅蚤擅三

元薦登內閣參乘衡鈞展志行道克濟中興尋遭

宸衷孚契海宇又寧明良魚水今昔奚頻群比醜正力

辭榮戒滿奉身完名涼風曝日洛社耆英慶延哲

○光祿大夫柱國少傅兼

太子太傅禮部尚書武英殿大學士餘姚謝公遷撰神

道碑銘銘曰芝山截嶺維嶽嵩鍾靈毓秀昌期逢

偉哉文毅產其中翩翩彩鳳鳴高桐曾藏星斗氣
吐虹三元及第王曾同祥雲五色映腫臃川舟歲
霖望已隆 經幃簡在迴
重瞳絲綸紫閣地位崇投艱遺大協寅恭乾坤旋幹

伊誰功匪躬直犯奸邪鋒掛冠自幸歸悒懷天為養生啓

帝衷 璽書遠下徵臥龍北向感泣心忡忡臣心上與先皇通

明皇亦念臣孤忠披肝瀝膽歸囊封丹宸金鑑徹宸聰立朝正色無阿從穆清高拱亮天工坐令宇縣

樂熙雍奉身願作漸遠鴻道遙綠野醉春風江湖廊廟情無窮公之進退何從容典刑邈矣百世宗

我銘後勒斯碑穹國有信史徵予公 ○按少叅黃公華行實後跋云公生平光明正大見

義必為不留事機苟可以安國家利社稷身之利害有所不計雖處高位也而謙謹如常雖負重任

也而安舒自得蓋由德量汪洋養之有素故干事變之來能迎刃而解也致政家居十年之間惟恭

萬壽聖節則必躬詣邑座祝頌外此足跡未嘗一至城

憲廟亦嘗念公數問其起居惜臣下莫為之將順耳自公同良臣公相繼謝世在朝在野皆追痛

莫及至有比之宋儒仲淹純仁父子者 ○按叅政徐公楚文集叙云公生當

國朝全盛之日夙秉弘毅望重達尊信能託孤寄命臨大節而不可奪者故三元之名聞天下

帝心眷之其朝夕咨沃惟以克舜三代望其君是以天下翕然稱賢輔焉嘗得其遺文讀之日侍

講章與伊訓說命相表裏回鑾一疏與李綱胡邦衡封事照耀後先議建

諸以順人心登典禮以全聖孝天命民窮之論七事八事之陳雖三劄五規無以

過之其他入告親承經綸密勿朝野陰受其福而不知者何限所謂不動聲色措天下于泰山之安

者公其人哉昔人稱宋三元及第者五惟三人不

愧科名以予觀之王公正色立朝與公未相上下然鄆州去後更不得一日安其身于朝廷之上焉宋二公或猶議其晚節孰能如公從容進退于禮義之中為時伊傳甫申之儔歟其生其出端有徵于天人非偶然也

成化二十三年丁未春二月辛未朔越初十日庚辰

華蓋殿大學士萬安 謹身殿大學士劉吉
禮部尚書彭華 兵部尚書尹直

太常寺卿王獻 少詹事楊守陳 劉健
左春坊左諭德傅瀚 程敏政 吳希賢

右春坊右諭德謝遷 吳寬
左春坊左中允周經 右春坊右庶子汪諧

翰林院侍讀學士李傑 侍讀董越 侍講王臣
脩撰曾彥 王華 李旻

編脩劉震 劉戩 王鏊 楊守阯 梁儲
張潔 楊傑 敖山 馬廷用 徐鵬

檢討鄭紀 于材 白鉞 楊廷和 張芮
孔目張翰 劉機 武衛

太常寺少卿王璠 寺丞沈達 張春

大理寺左寺副李通 王禮 右寺副于淵
光祿寺署正文王琮 中書舍人王哲

鴻臚寺主簿蔡振 序班何澤 劉學 李瑛
周俊 郭鶴

祭曰惟公偉傑之才沉毅之資發身賢科三元特第詞垣綸閣擢任咸宜尋以間歸十載棲遲歲寒之操凜然不多及公再起人望攸歸簡在宸衷委任弗疑公感知遇有猷有為官加保傅

恩寵蕃滋乃戒盛滿抗章懇辭急流勇退公寔以之怡情丘壑壽擬期頤云胡一疾天不憖遺訃聞

九重卹典厚施安等昔忝同事匪朝夕知緘詞致奠千里之悲惟公有靈尚格于斯

考課精勤于吏及... 聖仕佐如物之功... 尚勤... 乃... 于

三年庚戌... 刑部... 主事

○... 是金... 上官皆... 其能

五年壬子... 刑部... 書... 三月二十二日

朝廷賜勅褒嘉階承德郎

勅曰刑部即古秋官之任而必詳於置屬者蓋以明刑弼教為重也必得庶恕之士任之庶有濟焉爾刑部福建清吏司主事高良輔乃故少保吏部尚書兼謹身殿大學士贈太傅謚文毅輅之子蚤承庭訓脫迹賢關初擢屬于春官繼更司于刑署明于折獄宜貴寵章是用進爾階承德郎錫之勅命以旌爾勞爾尚益思奮勵無替于前人懋竭忠誠庶克成于後效欽哉

七月二十二日汝謙公象

朝廷賜勅褒嘉階承德郎

○謹按 勅曰國家設尚寶司以掌符璽職親地近非他官比

必得端慎恭謹之士乃克稱焉爾尚寶司丞商汝謙乃故少保吏部尚書兼謹身殿大學士贈太傅謚文毅輅之孫蚤游庠校卒業賢關念爾祖歷事

先朝肆錄爾列官于禁近歷年滋久操履端詳宜有褒章以旌勞勩是用進爾階承德即錫之敕命以為爾榮於戲使臣以禮君道宜然事君以忠臣職當盡爾尚益存匪懈之誠用副褒嘉之命欽哉

六年癸丑秋良輔公奉

欽差往南直隸府衛處決重囚

○按行狀云弘治癸丑秋良輔公奉

命于南直隸處決重囚各得其情尚書彭公韶贈詩

美之有胸中清白如無累筆下平波似有神之句公之賢明此可見矣

七年甲寅秋良輔公陞刑部廣東司員外郎即差往河

南

冊封伊王

○按行狀云弘治甲寅秋良輔公陞刑部廣東司員外郎即差往河南冊封伊王凡百餽贍一切不受名愈重焉

八年乙卯春良輔公以疾疏乞優養

詔可

十年丁巳汝謙公陞尚寶司卿

○按諸畧云汝謙公良臣公冢嗣文毅公長孫也弘治十年陞尚寶司卿初吏部以無缺擬遷留都疏上五日始得

旨今權蓋

孝廟心念文毅公佳昔捧日功故斷自宸衷有此特恩尚寶兩卿前所無也惜僅三年即卒于

官謹按

制曰朕惟尚寶之官實居秘府必置卿以揔其事斯庶政可責其成苟非端謹之人曷稱清華之任爾

尚寶司卿商汝謙乃故少保吏部尚書兼謹身殿大學士贈太傅謚文毅輅之孫儒宦名家賢關俊

士徃荷

先朝之寵權丞符璽之司肆久著于賢勞遂超陞于今

職顧其持身清慎遇事勤能學靡忝于家承譽克享于家論不俟三年之考預加五品之褒茲特進

爾階奉政大夫錫之誥命於戲慶澤攸從勿謂家之盛美義方具在丕揚詩禮之遺風尚有崇

以需來效欽哉

十一年戊午良輔公疾痊赴部改工部虞衡司管理在

京內外街道并點札守門官軍及督造內承運庫

十三年庚申良輔公奉

欽差往直隸浙江江西福建催償拖欠緞疋

十四年辛酉第一曾孫承慶公以公蔭

授中書舍人階徵仕郎

○按譜畧云承慶公乃汝謙公長子良臣公長孫也
 弘治十四年以文毅公蔭除授中書舍人正德十
 二年陞大理寺右寺副卒于官
 謹按

勅曰國家置中書之官典外制之務其事體為甚重
 而職業為甚艱必才行之俱優斯委任之不負茲
 惟慎選務在得人爾中書舍人商承慶乃故少保
 吏部尚書兼謹身殿大學士贈太傅謚文毅輅之
 曾孫詩書世澤簪綬名家晚跡綺紈蚤寃心于儒
 業預勞綸綍今列職于禁垣蓋爾祖輔弼於

先朝肆國恩錄用其後嗣賢勞浸漬美譽用彰屬茲慶
 典之行預示褒嘉之寵名非倖致恩豈徒施特進
 爾階徵仕即錫之勅命於戲官居近侍惟清慎可
 以保令名國有崇階必勤能可以膺顯擢尚加懋
 懋以俟登
 庸欽哉

卷之四